

天
啓
滇
志

滇志卷之二十八

藝文志第十一之十一

七言律詩

玉案山

唐道南和尚

松鳴天籟玉珊珊萬象常應護此山一局仙碁蒼石爛
數聲長嘯白雲閒乾坤不設西南境金碧平分左右
班萬古難磨真蹟在峯頭鸞鶴幾時還

題徐昭玉案山房

本朝蘭茂

美人高隱樂從容宅近滇南第一峯
喧枕泉聲常似雨傍簷雲氣或如龍
長鑱破雪尋黃獨曲几看山蔭
碧松此趣料應知者慕抱琴何日
逐游從

初到滇池

元李京

嫩寒初褪雨初晴人逐東風馬足輕
天際孤城煙水暗雲閒雙塔日邊明
未暗習俗人爭笑乍聽珠箔我亦驚
珍重碧雞山上月相隨萬里更多情

滇池

釋機先

滇池有客夜乘舟耿耿金波接素秋
白月隨人相上下青天在水與沉浮
遙情謝客滄洲趣更愛蘇仙赤壁
遊坐倚蓬窓吟到曉不知身尚在南洲

高峴舟泛昆明池

不到昆明三十年重來今日已瞠然
捲頭詩卷半挑酒水上人家總種蓮
山色滿湖能不醉荷香十里欲

登仙碧巖畔堪題字欲把滇歌取次購

泛滇池

葉春

一曲瑤琴碧海頭野人生計滿汀洲歸來幸有楊雄宅
老去寧無彭澤舟流水高山應我待陽春白雪可誰謳
漢家崇礪多豪傑李廣當年錯覓侯

游昆明湖時六月廿五值星回節 王元翰

昆明池有里半蒹葭瀟瀟徐風水色擬欲挂錦帆懸雨
足故移清吹促荷花一雙雁影知秋近萬炬星回入
夜賒好比西湖頻出沒扁舟儘可作生涯

昆明道中望滇海

查鼎

昆明池水渺無涯極目悠悠四望賒西擁晴山環赤

岸東迎旭日耀舟霞碧波蕩漾搖雙塔薄霧霏微暗
五華麝氣上連牛斗色張鷟曾此泛仙槎

碧鷄山

釋機先

碧雞飛去幾千秋帝子當年此數遊洞口仙桃迎鳳
輦岩前官柳繫龍舟青山有限人何在白日無情水
自流誰記豪華歎舞地寒烟漠漠鎖荒丘

前題

李維唐

倚山處處雕甍麗不數梁王避暑宮俯瞰昆池涵一
鑑遙看城塔掛雙龍會歸今日同舟渡儀鳳何非在
碧峯却住子淵勤望祀不將漢節到南中

筇竹寺

郭松年

南來作使駐征鞍風景還驚入畫看
梵宇雲堆笳竹老滇池霜浸碧雞寒
兵威此日雖同軌文德他年見舞於
北望烏臺猶萬里幾回揮淚惜彫殘

前題

郭棻

飛虹倒掛青天色拄杖來遊玉案山
幽思不如花鳥逸道情應與水雲閒
鸞聲且自掀孤嘯豹管何曾見一斑
今日來遊非偶爾不傾石酒不須還

遊太華

桂真

昆明池上古招提樓閣參差映碧雞
為愛白雲分半榻却隨明月過雙溪
風中松子窓前落雨後詩篇石上題
如此清幽好棲泊為誰又渡石橋西

前題

潘仁

天風吹鬢酒初醒
太華峯頭且共登
山色惺迎迷世
客水聲常送渡溪僧
定中龍去雲生跡
夢裏猿啼月
在藤最愛石窓風
雨過早涼先到牘書燈

太華山

張純

太華嵯峨一望遙
到門猶擬隔溪橋
慈雲長見塔前
起孽火都來海上消
屋近樹陰晴亦暗
硯涵竹露夜
還潮從今利買遊山屐
野客無妨屢見招

題太華寺一碧萬頃樓

劉泉

西雨民物喜昇平
到處山川對眼明
遊覽不妨吟紀
勝笑談猶喜坐銷兵
重陽風日憐佳景
雲夢烟霞紫

客情回首太無還咫尺諸天高處是仙城

前題

伍文定

倚棹尋真信屐行中秋風日愜人情碧雞金馬十峯
淨溟澤螳川萬堦明松閣歌臺闌下界雲前送酒尊
東瀛憑闌極目長安近少海天黃次第清

前題

陳 奘

暮靄濛濛宿翠微沙頭漁火望中稀鍾殘虛谷僧初
定月冷危巢鳥不飛葉落有聲驚客夢曙流分影被
岩扉起來天踏紅塵去且坐禪床擁衲衣

前題

張 含

溟國地形惟此最青霄樓閣迴招提山圍雉堞籠金

馬海撼龍宮浴碧雞雲裏鳴榮松樹遮風前山巷雨
花迷諸天不在藤蘿水中夜起看星宿低

遊太華寺

蔡雲程

太華峯連雲水卿丹泉翠壁樹蒼蒼林寒乍見天花
亂脫森猶看佛日長松奏臨風添度曲烟光散撒促
飛鷗空門欲去仍多戀却望諸天隔上方

前題

郭文

晚晴獨倚梅檀閣烟景蒼蒼一望開湖勢欲浮雙塔
去山形如擁五華來仙遊應有飛空鳥僧去寧無渡
水杯否為平生仙骨在安能得上以高臺

前題

王士性

高秋風雨欲西來，秀拔三峯掌上開。
半浸混茫分野色，平臨紫翠落城隈。
洪濤漲處無烟嶼，青海翻時有劫灰。
共道風光天外盡，誰看咫尺在蓬萊。

登太華寺

張橋

遲遲春日上樓臺，極起呼童沽酒來。
野蔬供時還共適，巖花賞處頓忘迴。
尋幽轉有登山興，覓句終非對客才。
最喜虛亭俯滄海，遙觀海色亦啣杯。

春日奉侍中丞鄒公遊太華次韻 龍施

昆明池水接山隈，此日欣持鎮節來。
春渚風前移彩鷁，景星雲外耀中台。
依依新柳搖漁浦，灼灼名花照酒杯。
勝賞自今成勝槩，南方增重足淹徊。

春日遊太華題積翠岩

施綬遠

巖下人家渡口船巖腰宮闕迴相連
嵐清霧嶂明孤島日淨湖波媚遠天
望入江湖頻引領心冥魚鳥欲忘言
老僧閒坐松關頂定海禪河久晏然

太華山

鄭邦福

昆明池水太華山開關西南此大觀
漠漠碧霄渾入鏡茫茫浮世一憑欄
黑雲渡海龍歸藏青草遙空鶴試翰
二十餘年落葉網振衣今日萬峯寒

登太華山陰樓

沐啟元

一上高樓望眼迷人間何處躡丹梯
昆池秋渺連天際落日亭亭下隴西
金馬朝暉吟有思碧雞秋色醉

留題浩然滿腹胸中氣吐出虹蜺萬丈齋

秋日登太平和韻

童正蒙

空王臺殿碧雲頭鷲嶺躋攀色相幽響震撰山聞鳳
吹影飄昆海見漁舟水浮雙塔十家曉霧擁諸天萬
壑秋揮灑淋漓多麗句輝煌佛日照林丘

登澄瀾閣

杭淮

涉險躋崇不憚勞憑高呼酒興偏豪聊將世慮消杯
勺更把機心息棹揮蓮海何年搏怒鳥冠山自肯轉
靈鷲青岑勢與璇霄合靜聽雲林幾奏瓊

冬日宿羅漢寺

楊慎

霜林金碧迷青紅木葉蕭蕭澄遠空長湖洲渚亂吞

陟上方樓殿森玲瓏廊僧腹汲怯寒溜舟子夜雨驚
天風朝礫懸攬堪一望美爾冥冥高邁鴻

羅漢寺

張含

緝馬青鴉不計年祇緣羅漢寺名傳
旆堂雲起龍常過月舫僧歸鶴正眠
遙指關河千里路俯看城郭萬家烟
林深海迥無三伏花散香飄擁四禪

羅巖兩卷

郭斗

寺倚層崖翠且幽景竒如待客未遊
巧當山腹通泉溜半借峯腰起石接
色相乾坤同是幻海山風月不須求
喜從解綬還初服處處投閒處處留

遊羅漢寺

龍施

冥棲不厭碧，雖高七寶林。中結勝招陟，嶽却第春宮。
窈倚欄眺遠，意迢遙。海天空闊，浮青鏡，雲樹籠蔥接。
紫霄峯影，瑩聲傳蕊，藹詩魔禪榻，坐重消。

羅漢寺瞰昆明池

蔣 楷

太華如削，烈重溟。上有虞無，縹緲亭。日出魚龍爭隱。
見天空，響磬自清。冷舟師無擾，臨池習使者，猶存祀。
遠路何處，漢京勞極目。春山萬點，入簷青。

羅漢寺

鄧原岳

江干風露，混征袍。十里鳴榔，押暮濤。雲挂松林，瞻佛閣。
霜清草海，認魚舳。憑闌萬頃，霞光現，隔岸千峯翠。
色高山半，舊碑苔蝕盡。誰從金馬，吊王褒。

海曙亭小酌拈韻得瀾字

謝三秀

嶺歎員酒續清醞
卷盡孤亭賦碧瀾
水接蒹葭三百里
塔塔綠薜荔幾千盤
霜前鴈到秋衣冷
雨外龍歸曉
蒼寒極目委波金
不定海天輪與客憑闌

五華寺

韓宜可

五華之山山上頭
俯視東海如浮漚
豈無四萬八千丈
亦有五城十二樓
翠渠影落中天曉
玉柱光含大地秋
何日相逢陪杖屨
西民林外一長謳

登五華寺戒上人樓

童軒

乘閑時倚遠公樓
一段風烟豁醉眸
山色遙連梁嶽晚
潮聲初湧海門秋
酒煖城郭西風急
禾黍人家宿

兩收真怪吟餘重回首五華東北是神州

遊五華寺

盧仲佃

一望平墟眼界賒烟霞深鎖梵王家蒼山月白雲成
練滇海風生浪吐花生久枯崖觀出世渴來老衲薦
新茶要知一點天光發自向牛車轉法華

五華攬翠

王大謨

縹緲山峯赴講堂綠蕉深雨自芬芳三鱸臺擁詞人
榻五色雲章薜荔蒙帳冰諸生能問字筵前啼鳥醉
飛觴無煩太史占星聚咲攬芙蓉拂短牆

五華秋望

沐昌祚

攜賓閑上梵王宮一望遙天眼界空
昆海遠流當檻

秋華山清影落杯中
秋老浩蕩來孤鷺
野色蒼茫送
去鴻陪坐小樓分短韻
西南風景興無窮

五華寺記遊

沈做灼

浮圖雙插紫烟間
百八危梯杳可攀
花雨濛濛迷法界
鐘聲隱隱出禪關
羣峯錯落雲俱入
一境清虛鶴未還
滿眼韶華春不盡
節旄贏得片時閑

前題

林士標

結駟來登郭裏山
黃花翠竹護禪關
上方仙梵諸天
界下界人烟大地間
龍帶曉雲歸海去
鶴翻暝色望巢還
祇園况近汾陽宅
何惜過從半日閑

龍泉觀

盧仲佃

扶履虛如春罔農寒帷輕處受和風草浮幽澗一堤
綠路一桃源十里紅塵事不來杯酒上青山只在馬
蹄中洞門誰放白雲出我欲凌之渡海東

龍池

張佳胤

陂塘晴射海霞紅樓榭清陰落鏡中古木浮槎天上
過平橋流水席間通歌聲漸起千峯月寒氣非關九
夏風環視盡搖河漢影對君疑作斗牛宮

宿龍泉觀節友泉聯句

錢世賢

松火村醪坐夜深山中寒氣正蕭森澄潭發發魚從
躍禽木陰陰據自吟塵網豈知方外樂道人自脫世
間心瓦烟相對燔雞肋石鼎遺踪似可尋

金馬關

王諍

出關無幾文歸關身未從容意未閒
金馬花殘迷熟路
太華雲擁踏空山
民窮到處干戈起
春盡多時雨露慳
為問不才風俗使
計將何物解愁顏

金馬寺

施克心

王褒奉祀恍千秋
金馬祥騰紫陌幽
曉霧欲迷松上鶴
午鍾齊赴水邊鷗
當門玉案來嵐翠
逸寺長虹湧碧流
况復墓田應咫尺
馬蹄踏破綠莎遊

遊圓通寺

沐璘

螺巖深處是幽潛
雪色軒窓翠竹簾
老鶴有時鳴蘇
逕白雲終日宿
茅簷地爐煨芋
灰頻撥石鼎煎茶
火

旋添幾度玄談或生久不因風景解相淹

九月集圓通寺句懷

張佳胤

竝馬珠林金殿開
乘天雲氣五華來
黃花滿地他鄉
色白馬凌霜返照回
短髮風前頻落帽
愁心秋到起
啣杯不知絕塞持纓者
此日遙臨何處臺

螺峯山春遊

辛燕芳

山光野色叢青玉
石磴梯雲頻曲曲
於分細語入瑤
琴竹搖翠影侵碁局
枝頭紅紫淺間深
陌上笙歌折
瘦續好將詩酒答韶華
莫道花神笑人俗

華亭寺

楊慎

華亭衲子來何暮
滿院蒼苔靜掩門
幽徑晴泥留鳥

跡白沙青浪壘龍痕翠微沿畔嵐光濕紅日東來海
氣微塵劫何緣除老病吾生今已信乾坤

華亭寺

方沆

南荒十載憶登臨寶地重開祇樹林揮塵烟霞高象
水映塔花竹識禪心雙龍長護空王座孤鷺常分長
者金圭對秋山志去住西來暝色故蕭森

進耳寺

李元陽

江海閒身得漫遊蓮宮一榻喜清幽湖窺水豔頗疑
曙風度岩廊易作秋千里遮圍山勢合孤帆迢遞海
門收禽魚上下應無數獨羨安眠沙際鷗

登進耳寺

張橋

文流雅合氣如虹
繫纜躋攀不御驄
泉出石根浸徑滑
寺藏松杪半山雄
神遊八極蒼茫水
夢繞五雲清迥中
何日塵勞歸寂定
上乘一覺悟諸空

前題

郭斗

金仙臺敞肅清幽
丹構凌空愜壯遊
窈窕欹尋支遁室
登臨不厭冲宣樓
山中日月道遙度
海上神仙汗漫求
却笑豪華都一盞
何如蓮社半宵留

環翠宮

陳用賓

十二樓臺紫翠開
祥雲飛擁鳳凰臺
松深雨細簫聲亮
月朗天空鶴去來
杖起葛陂輕九轉
棧乘漢使傍三台
蓬萊會赴功成後
滄海桑田任幾回

環翠宮謁呂祖

劉原岳

玄都端合羽人居萬丈丹崖架壑餘囊裡一丸光照
空袖中三尺氣凌虛名山處處神堪降寶鍊篇篇手
自書我欲從師學真訣飄然獨拂五雲車

湧泉寺和韻

王大謨

倚閣抵林步屨幽一時樽俎見名流清流畫湧諸天
雨飛瀑寒生萬木秋蓮社可客新淨土客星應擬泛
牽牛吾曹莫遣微官縛何物風塵不壯遊

湧泉流觴

劉巨安

四面居然疊翠屏一椽猶勝草玄亭泉索曲徑莓苔
綠坐蔭雙林貝葉青藉地博觴人共醉凭欄長嘯鶴

初醒徘徊月色前山見迢遞鍾聲隔水聽

湧泉流觴分韻得雲寺

郭棐

滇山霜景漸蕭森我輩登臨思不羣情引流泉分石
髓共憑飛棧溟波文清新興致唐觀察蕭灑襟懷晉
右軍獨有林宗最擣散月明還望海邊雲

湧泉觴池分韻

王大謨

玄亭結構倚禪關蘿磴逶迤水樹間有客但攜金谷
酒何人不擬會稽山流虹細綰平臺紫飛翠濃添錦
石斑歌罷滄浪還興劇更隨明月弄潺湲

雉川閣

方沆

高閣憑虛混太清西南形勢帶昆明望來潮勢浮金

馬似有秋風動石鯨岸闊帆播當檻度夜闌星斗入
杯傾相攜漫擬枚乘筆八月觀濤賦未成

七夕宴魏太史于雄川閣

周嘉謨

高閣登臨迴彩鷁城南夕照數峯青欲從銀漢看牛
女先向浮槎問客星新月影涵秋色淡遠砧聲送酒
杯停天邊烏鵲何時渡徙倚莊橋漱悅汀

雄川閣

鄧漢

雄川高閣俯潺湲水淨沙明去鳥閒帆影總分小孤
浪波光全襲太華山軒牕日月交行內即邑西南壯
觀間醉擬乘槎犯河漢張騫借問幾時還

遊海源洞

黃廷賢

誰把光天混沌開，烟霞逶迤鎖青穹。
窈窕面魂礪，中含灑灑堆嵐翠。摘空晴亦雨，山風恣竅靜。
還雷岩前雲物三千景，捲入詩囊次第裁。

遊海源寺

孟富

隱隱招提遠，遠村芳菲花柳競。春暄一泓深，碧籠湫。
古四閣輝霞象，教尊雲竇疑嵐連。王案天花飄雪近。
梨園醉來拂石費，新句不覺毫端蝕。藓痕

遊海源洞

王元翰

亂石稜層一竅深，新秋我輩復登臨。五葉一抹烟浮。
黛雙塔相懸，穎卓管洞裏碧雲常。欵客潮頭皎月似。
知心年來處處我，清賞莫嘆神仙不可尋。

海源李石洞

施克心

探奇繼女破嵐氛路半虹墻半入雲空翠滴來衣亦
染殘霞疑處石為分湏臾月色光山竅忽漫松清迤
水濱自信洞遊原不偶飄飄仙那下氤氳

經韓兒朶

平顯

前王宮址古城東瘦馬經行落照中縱徇遺墟青草
遍呼鷹艾墨暮烟空茉莉娟眼人何在野刺牽衣路
不通舊日江山總新恨亭邊無語立西風

夜投松隱庵

前个

洲渚蒹葭亂夕霏荒村疎樹遠依依波聞明月隨舟
去草際微螢帶火飛烟景偏歸詩客眼水寒光透美

人衣隔林精舍行應近隱隱疎鍾出翠微

夜潭松隱庵即事

胡相

大夫元不受秦封井隱南雲萬仞峯空谷透香風細
細紫臺公月影重重參差翠葉藏孤鶴屹屈靈根引
螭龍潭久夜深清不寐飛花送酒千鍾

遊荷池

孟富

滌波渺渺接昆池畫艇朝朝賞莫遠蓮葉翻風搖翠
羽荷花惹露濯綰衣湖光漾碧晴光好水氣侵人暑
氣微沉李浮瓜遊樂客管絃常向夕陽歸

普賢寺

郭斗

扁舟回事此尋幽為禮空王續舊遊大地看花銀色

界小山招隱白雲樓
天邊仙露會虛賜
物水丹砂總浪來
何事清涼僧對語
鳴鍾一飯脫菴緡

妙高寺

蘇港思

琳宮炯炯伏危峯
城郭風烟一望中
樹匝山頭春雨綠
鳥翻牛背夕陽紅
蒼崖古徑通三界
梵語鍾聲落半空
更上高樓頻倚檻
恍疑身世出樊籠

遊溫泉

錢紹謙

大龍卜宅是何年
煖液如湯自昔傳
萬壘峯巒浮碧落
一川花鳥盡幽然
挑開洞口香生席
泉湧波心玉有烟
酒送滿船還載月
此歎佳况許誰先

祿豐縣西蘭谷

楊慎

響水闌水逸蘭谷蘭之倚倚環谷芳瑤澗玉溪湧神
養綠葉紫莖涵帝寢湘晶抹作美人佩尼父嗟為王
者香懷哉千古兩不見獨立蒼茫愁大荒

夏日曹溪寺臥疾喜禹山見訪

前人

安石登山攜漢妓維摩臥病對胡僧花宮夜氣清丹
壑樹杪泉聲落翠層肯泛滄浪來贊伎墨數白日繫
金繩玄言寂寂傾蓮漏微月娟娟隱意燈

帝釋寺

前人

帝釋山頭雲蒲谿東庵飛雨西庵泥碧潭照眼石鯨
動翠微當面林鶯啼濛濛香霧花層濕漠漠生烟樹
點翠傍險銀鞍應未怯王壺清酒為君攜

海寶寺

前人

容行頻過古寧州，此地初尋海寶遊。
漁父凡攜船作宅，仙人臺榭石為樓。
峯巒擬見長安日，濯足真誇萬里流。
圖畫眼前看不盡，蓬瀛物外祇須求。

撲紫烟光擬上方，人家宛在水中央。
一重一掩肺腑地，某水某丘遊釣鄉。
憶我頻年枉書札，與君連日醉壺觴。
詩瓢不似山人瘦，大雅堂高按盛唐。

升庵遊海寶寺

陳表

焚魚學士滯南州，海寶揚題紀勝遊。
驚嶺烟寒分碧嶂，龍宮波淨照丹樓。
接洽遺愛府詩長，在太史戎江五
自流興似山陰，臨水得人于西蜀草玄求。

何有庵

熊克壯

春到山中不記年
琪花鵬景榜岩懸
同遊冠蓋三湘客
極目風雲萬里天
疎竹蕭蕭疑和管
莖芳翳翳可供筵
狂來直上峯頭立
海色桑田一渺然

前題

鄭邦福

山腰結屋是何年
鑿石為龕象教懸
一穗香烟傳宿世
半巖花雨款諸天
僧曾面壁還留影
鳥慣聽經款近筵
獨有淵明見空性
攢眉却去更飄然

前題

徐州

昔年惜掃天香閣
今日停舟何有庵
詩寫鷄窠尋舊約
茶薰石鼎縱清譚
未殘歸子留衣別
聊效坡翁解

帶茶逸屋峯巒清似洗時時飛翠滿琅函

前題

周嘉和

為愛仙源路不賒頻來谷口問桃花懸崖絕竅穿雲
險漱石清泉漾月斜譚法野猿聽座榻啣玉坐鳥過
汀沙山僧莫訝遊觀屢欲借峯頭一片霞

盤龍寺瞻蓮峯禪師遺蛻

朱泰禎

峯頂應奉火裏蓮一龕蓮蛻一燈然湧幢梵宇來重
譯無縫天衣學水田幾見擾龍眠躡跡仍聞咒嶺換
西泉六通無礙昆池月滿秀長開不二禪

重陽後一日王行甫邀遊金沙寺

唐克宮

重九纔過霽色開公餘海上促登臺坐看萸菊蘭色

勸行逐熊羆鹿苑來青紫塵寰都是幻
雖黃桃苑莫相猜
推顏杜雨憐雙鬢玄賞今叨半日陪

聖水三朝

朱泰禎

半龕猶似泰龍宮聖水何年字八功
白灑蒙調祇樹下清泥憎舐虎溪東
廣長古殿三潮漏清淨身門五蘊空
賸有溪囊雙不惜野雲無礙玉花驄

題河尾閘

程本立

山為城閣海為池一卒當閘萬卒窺
越萬即開通漢使吐番兵結覆唐師
只知地險如難服豈信天亡遂不支
歷覽華夷每懷古臨風倚馬讀殘碑

入下閘

沐璘

曉入龍關驛路遙東風吹雨濕征鞍春寒尚怯羅衣
薄况滑偏憐駭馬驕萬頃腴田環海子千年凍雪積
山椒閣羅霸業惟碑在聚宇于今總聖朝

出龍尾關之永昌

程棡立

崎嶇萬里入遐陬尚覺山川是壯遊倒海鯨吞奔石
馬極天馮道鑿金牛昔人於此或三窟老我而今隘
九州生入玉門班定遠未歸能不悔封侯

宿下關驛書懷

董軒

西風吹冷思錦錦老去詩篇只謾傳半夜卸亭雞唱
早十年岐路馬蹄穿梁王宮殿秋蕪裏黔國山河暮
雨前薄宦驅人何日了欲將心事問蒼天

蒼山勝槩樓

沈繼美

乾坤臨眺幾清秋，山水西南第一洲。
地近崑崙天北極，江連銅柱水南流。
攬前萬井圍仙界，海上千峯繞佛樓。
漢碣唐碑苔蘚剝，豪華千古思悠悠。

點蒼山

包節

吏散庭空靜掩扉，點蒼西望翠霏微。
雲栽玉葉和烟潤，瀑濺珠花映雨飛。
石碣經秋龍不起，松枝將暝鶴初歸。
冷然忽動蒼霞思，擬陟丹梯一振衣。

襟山帶海樓

無名氏

黑水波濤天地浮，棠榆城郭俯江流。
千里花樹日啣嵐，一片丹青人倚樓。
絳雪自消龍洞暑，白雲橫閣鷺

山秋分明不似八閩世天縱先生作治遊

和韻

李元陽

川上風烟島嶼浮柳邊樓閣壓春流
旃帷暫駐三行酒簫鼓難勝一葉舟
野館幾年無客到江湖今日縱
吾遊東槎還憶雲霄侶星漢迢迢隔素秋

又和韻

楊慎

誰賦風光草際浮謝公佳客盡詩流
紫城雲樹迎江閣白國烟波送洱舟
縹緲欲迷蓬島望逍遙還擬漆
園遊愁來獨減登臨興病骨先驚一葉秋

洱水浩然閣次時川韻

楊士雲

雲捧樓臺水上浮浪搖金碧席邊流
月宮誰借仙人

斧星漢選看太乙舟千古玉璜曾獨釣一聲鐵笛好
同遊倚闌清興知多少似與冰壺一樣秋

洱海行臺

吳鵬

海日初晴雨漸消西風烈烈透緋袍霧迷不辨村間
樹岸斷却尋溪畔橋萬里獨遊仍短鬢百年長至又
明霄即招王粲開春酌已見團花放小桃

觀風大理

郭庭梧

霜輪西向馬悠悠卓蓋輕風萬卉秋峭壁蒼岩經日
轉潺湲洱水接天浮翠嶽無計并蒼飛渡何堪作
濟舟更切瘡痍多未起那知腸斷望英樓

崇聖寺

楊子雲

岑樓無礙倚虛空
檻外平鋪十九峯
伯崇三分非漢
鼎佛都千載有
唐鍾林端細雨
浮山黛天際微
風變
水容冠蓋于今
能畫賦揚雄偏
得號詞宗

前題

周懋相

靈鷲飛來十九峯
峰翠色點芙蓉
寒浸六月山頭
雪風送諸林谷
口鍾半嶺雲橫
玉作帚中天霞
起錦
為墉憑誰屨出
西南嶂遮住蠻
烟幾萬重

塔寺

謝肇淛

靈鷲西飛積翠來
阿王孤塔尚崔嵬
半巖雪照雙叉林
曙上界鐘催萬戶
開天際葉榆衣帶
水雨中禾黍錦
雲堆憑虛未盡
登臨興更上翻
經百尺臺

天鏡閣

李景山

撒冰千峯抻海波芙蓉雙塔玉嵯峨
銀山殿閣天中見黑水帆檣鏡裏過
芳草滄洲春思晚野雲孤鶴客還多
共誰一夜山堂月洞口參差長薜蘿

王局寺

李伯強

海風吹曉上層臺王局仙人安在哉
一帶山河無限好百年懷抱此時開
菊從雨後都開遍鴈到秋深不肯來
一曲浩歌歸與晚夕陽人影共徘徊

過三塔寺

程本立

眼中城閣與山川坐我江南畫船
雲氣半峯飛白雪水光一鏡落青天
野橋接樹人家庄官路梅花驛

使傳最是禪房聽梵唄此心能先有憂煎

春日白崖道中

民福

烟雨濛濛野水昏蒼茫四合動陰雲青歸岸柳添春
色碧入山荒破曉痕百里人煙滅杳杳十年戎馬尚
紛紛詩成更怕東風起添得筆頭又幾分

寶川紀懷

鄒應龍

何人築此受降城營壘猶傳諸葛名水界金沙橫地
險山聯玉帶劈天城來王恭仰綏柔化問俗欣聞絃
誦聲蠢爾無知干令賊坐令千載頌昇平

春興詩

楊慎

諸葛提兵大渡津河流禹鑿迥如新彩雲城閣那無

跡黑水波濤亦有神象馬遠來銅柱貢大羊不動鐵
橋塵靈閣在眼平如掌歲歲葡萄首葡萄

雞足絕頂

謝肇淛

梳梯鳥道翠微連雲塔孤標日月懸禹服山河開六
詔上方雲木接諸天金沙雪嶺千重色寶甸神州萬
竈烟欲借罡風明羽翰化城深處息塵緣

觀音寺玉泉

郭文

不作人間九夏霖一泓高瀉此岩陰清澗環珮風生
谷冷浸玻璃月在林流盡瘳興千古事洗空勢利一
生心出山便入紅塵去好緩酒史伴醉吟

飛雲閣

葉泰

山畔縈迂一徑長松梢石角礙衣裳雲來絕壁遙生
色天浸滄溟倒著光旌節何年來漢使高臺無處覓
梁王凌風莫厭頰舒眺戎馬平時有醉鄉

夜宿雞足玉閣村東暉上人

張宗載

投老浮名未息機難將杖履脰荷衣中天明日何時
照出岫孤雲與念遠空眼著詩高白氏佛心說偈見
東矚夜深楓樹號幽壑一悟從前事事非

水目寺

閃應雷

此水相傳卓錫泉不知宮殿自何年殘碑半護雲山
冷古木平臨海月偏曉起烟霞迷下界夜深鐘磬落
諸天我來拂坐曇花側萬壑松風拄杖邊

蕉溪寺

前人

翠擁芙蓉萬壘來，招提遙在碧山隈。
潭邊花發春常駐，洞口雲寒晝不開。
自是彩毫工作賦，那堪蠟屐展滯登臺。
憑君話却溪岩勝，客路東風首重回。

登繡嶺望點蒼山口占

前人

山行盡日雲霄裡，天際飛閣十九峯。
立馬乍疑青漢接，振衣翻覺翠烟重。
垂垂翠溜千崖雪，颯颯晴濤萬壑松。
勝槩可容圖畫得，不禁清嘯墮芙蓉。

登標榜

前人

塵襟新洗釣魚磯，偶得攜筇步翠微。
敲戶不驚僧睡穩，掃階猶濕客來稀。
波羅樹久蒸雲立，無量花多繞

殿飛十八雙田能飯我欲從蘭若伴緇衣

青華洞

朱棻

青華短策美清遊含屐相看笑入舟
萬頃新波巢石燕一葦輕渡攬眠鷗
探源截壑簫為揖歷井捫芬錦
是樓若水并接關宿海更深無柰綉瑩篋

天生橋

前人

龍閨初見柳條黃丹筆冰澌夜有霜
萬壑驚濤疑拂水千盤蘿徑繞虹梁
垂垂朱竇猿能供顆顆螺房玉
可相樵客積烟窺一線鏡中漁唱自滄浪

立冬日飛來寺小憩

前人

朔風獵獵繞旌竿細柳垂條未是寒
洱海澄泓堪沐

馬南山紫翠欲棲鸞
閩河曲曲征車緩
禾黍嚔嚔歲事寬
却笑老僧迷住處
西來祖意一難看

灑江

王景常

郡城北向古城南
一脉靈源漾碧潭
夜月登波拖素練
春風吹浪皺晴藍
柳陰綽約高低合
山色模糊遠近含
却憶舊時濯纓處
幾人嘆詠暫停驂

嶼山

王來賢

名山繚繞向城東
秀色蒼蒼翠碧空
霧暗碧紗籠翡翠
月明秋水浸芙蓉
層岩有路何人到
古樹無枝少鷓鴣
跡鎮日相首渾不厭
丹青寫入畫圖中

前題

郭鏞

巍巍重鎮對孤城一帶青屏盡不成絕頂尚存仙隱
跡寒巖不折鶴鳴聲道消螺髻青猶濕雲歛蛾眉黛
欲橫何必登臨攜謝妓憑欄極目自心清

巖洞

黃中

方外遺踪古洞天薜蘿深鎖翠微連晴窓窈窕晶光
入凍壁離奇滴乳懸白日雲腥龍欲起碧枝烟瘦鶴
初夜山靈久秘無人識掃石留題紀歲年

前題

方沆

古洞穹窿自歲年峩蘿拄杖共寅緣穿崖流水疑無
地削壁歸雲別有天竄窳虛看玄鶴舞微茫翻訝獨
龍然

題前

馮世雍

黃鶴山人吹洞簫醉遊巖洞窺虛寥龍光夜照水犀窟
鬼斧春構晴虹橋石撞萬古隱地脉泉瀨半空聞
海潮玄冥回首待明月其疑靈壑流仙瓢

岩泉

謝溥

飛流一瀉落噴岫百丈人看掛素紈玉天休疑量去
易金針須信製來難林穿濺沫跳珠玉谷漱清聲響
珮環幾欲臨流揮彩筆尚餘錦繡出毫端

大茶汪直齋數飲南明洞次韻

劉涇

佳境追尋九月天仙人窟宅巧相連靈巖隱見乾坤
別處竅通明月日懸洞口白雲明擁護崖前玄鶴與

周旋剗卽此渡心疑甚又似天台誤八年

南明洞

方 沱

連山對面削芙蓉曲洞空明載酒從石心似罨千歲
奕巖高長掛萬年松誰分丹液供餘瀝共采青芝信
短筇歸騎聯翩域郭晚舊遊回首白雲封

前題

萬文彩

洪濛誰作洞中天複磴穿雲遠岫連砥柱直將銀漢
接仙臺遙見紫微懸藤蘿時掩人踪少松石常留鶴
騎旋成恠浮塵虛白首洞簫何處憶當年

萬象洞次韻

楊 傑

紅塵淨處石門開萬象森然星斗回春滿洞天花不

謝雲疑仙地鶴初迴風前步步開清籟岩溜時時浸
碧苔幾欲采真尋物外漁樵相傍醉霞杯

萬象洞

方流

名山誰借巨靈功萬象天開峭壁中到處芝田金闕
燥懸崖石乳玉玲瓏嵐深杉翠三時變洞古烟霞一
逕通久擬采真遊汗漫偶從激水問鴻濛

混元亭

吳鵬

高亭懷古一堪悲六詔山川此新碑貢龍元通周正
朔衣冠重覩漢旌旌書生誤國空傳檄廟何人識
覆鉢惟有洱河魚腹葬至今秋雨泣江籬

靈照山

韓宜可

靈照叢林隱萬山東風送暖到人間香飄寶篆橫金
界泉落瑤池下碧灣竹筵時聞聲習習松閣常聽響
珊珊芳夜幾度登臨賞薰得遊人半醉還

曲江

沐昂

曲江新漲水痕收野色和烟古渡頭林冰暫看來宿
鳥沙邊還見浴輕鷗漁翁舉棹論歸舫旅客停驂問
去舟故乃一聲何處發夕陽芳草自悠悠

遊寶峯

羅汝芳

越甸地回絕域寶峰天作限蠻氛洞中鸞鶴從誰
駐空外韶鈞八座聞萬朶桃枝寒照水千層雪嶠煖
生雲凱歌載路催歸騎銅柱何年嗣勒勳

再遊龍光亭

前人

龍江漫訝草亭開，鶴馭遙從瀑水迴。
彩透虹霓天倒浸，碎敲瓊玖雪懸堆。
海門白晝雙虬舞，雷鼓青霄萬島催。
絕嶠奇觀應不偶，清尊勝賞為重來。

遊指林寺

敖和

城外青山秀插天，城中佳寺景無邊。
寒潭雨歇蒼龍送，幽谷雲深白鹿眠。
穿戶影重花外竹，到池聲靜澗中泉。
老僧出定因無事，坐看天花雨席前。

華嚴寺

桂茂之

梵王宮倚北山開，地僻人稀半是苔。
綠竹幾行森玉立，遠峯四面送青來。
雲寒石洞龍眠穩，日腹松巢鶴

未回清趣滿前因坐久灑然心地絕塵埃

香林寺

王來賢

却邊蕭寺畫長靜野外閑僧夢不驚林鳥和鳴如誦
偈曇花亂落似鋪英色對劫世滿中斷未了塵緣隴
上畊尔尔一如能自足從他萬物有誰撻

西沙籠

張海

孤城西壁擁層巒繞郭芙蓉秀可食翠泥烟光昏作
雨清分嵐氣恍生寒繪圖有客如摩詰高臥何人是
謝安柱笏釣簾看盡酒觴又覺許多寬

古甸龍潭

吳希賢

古甸泉穿石眼通蜿蜒深處有潛龍乾坤晝夜雙潭

湧形勢山河一帶雄千頃膏腴誇上壤四時祈報走
村翁洵洵流處或豐歲香火難酬潤澤功

題秀山雲

韓宜可

突兀峯巒入翠微白雲如練久相依未為仙子裁春
服堪與君王補袞衣風動捲舒還有態眼前聚散本
無機一從眠抱山頭石未得從龍萬里飛

通海著應山

蕭 濟

幾點疎星斗柄橫晨鐘又早報天明驚回客夢冢千
里敲萬禪林月五更虺虎想聞山鬼泣蒲牢應畏海
鯨鳴依稀記得朝天日丹鳳接前百八聲

通海湖

韓宜可

江寒鳧鴨集汀沙半掩柴門夕照斜洞口烟嵐連野
燒城頭鼓角雜寒砧猿聲常嘯林間月鴉背輕翻樹
杪霞幾度扶筇翹首望青山隱隱隔天涯

通海仙人井

前人

陰陰古洞小壺天嵐氣晴分紫翠顛日照佛頭排玉
笋霞明仙掌捧金蓮江村漁舍春天樹茅屋人家日
午烟指點

帝京何處是

九重宮闕五雲邊

蚤發阿迷渡盤江

劉翹

涓涓寒月光遠天壘嶂臨宵北斗懸江浴盤龍新雨

粵風驚宿鳥渡文川
推裘到處烽烟靜
祭戟年來露
布鮮笑倩良工寫
玉會漫勞唾手勒
燕然

樂覲新城

前人

山石峻嶒大即堙
喜看百雉四時春
萬家燈火歌康
度諸路貌貅擁
祭遵傑閣連雲飛
鳥避覺宮帶月蟄
龍伸助勦已定
金湯策莫負當年
射策人

遊亭湖

李元陽

蘼蕪行盡綠粼粼
五岳尋仙得盡簪
沃土薈花飛陌
上春湖蒲柳似
江南野陰傍郭
千家潤山色
峯帷四
面嵐林向
萍踪嘆飄泊
殊方風俗等閑
諧

蒙自目則山

何應春

萬壘峯巒毓紫烟
重來生意滿田園
清風泉自龍湫
發落日人從鳥道
旋遠浦新晴飛白鷺
疎林殘暑咽
寒蟬
夷民村落常更置
幾處荒苔蔓草芊

題寧州瓜字水

張海

三曲溪流帶遠沙
品題應得竝稱瓜
奇連江左湖名鑑
秀挹西川水貌巴
轟轟晚山凝翠遠
亭亭高柳映堤斜
窮源見說青門近
擬向新河一問槎

石屏砌碌石

楊宗

怪石三驅得地靈
曾聞茂嶺此中經
韓盧疾疾飛沙草
糜鹿呦呦食野萍
蒼埋雲千古秀
蒼苔著雨四時青
發踪指示人何在
一枕眠蕉夢不醒

蘭滄江

朱應登

千尋鐵鎖貫長橋，積翠浮天萬壑遙。
人向中流看砥柱，路從平地入宮堯。
未論文教開荒服，已見夷民款聖朝。
鳥語花明迎使節，蘭滄江上瘴全消。

前題

張志淳

懸崖千里挿江深，古木千章蔽日陰。
險極乾坤無與竝，路開秦漢到于今。
樞雲倚樹尋佳句，歷井捫參豁壯心。
遙指小掌堪覽懋，一龕燈火記觀音。

蘭津謁武侯祠

毛堪

丞相南巡曾幾月，天威遠播自千年。
打牛坪裏春常在，走馬營前月尚圓。
鐵索蘭津通鳥道，旗臺小海靖

蠻烟乘驄此日瞻祠宇時聽遺民奏管絃

滄江懷古

馬繼龍

孤江鐵索跨長虹鳥道從天一線通
樹響龍來陵谷兩山空猿嘯石樓風
百蠻南詔襟喉地萬木荒祠鼓角中
象馬何年歸貢賦土人猶說武侯功

題鎮南門城樓

劉叔讓

排空雉堞接層樓薄暮登臨萬古愁
紅樹一村蒲甸晚黃雲滿地棘人秋
江通平縮蠻烟重山聳哀牢毒霧收
極目鄉閩何處是西風衰草思悠悠

周世貞往潞江有詩見寄用韻

張志淳

寒窓不藉僧閑白怨氣遠因客到清
十載遠遊堪作

賦山峙高論恐非情忘機信與羣鷗狎感遇何嗟二
鳥聲解識野人爭場竈乾坤無處礙經行

過博南謁金浪巖神祠

黃中

拓地兜羅風捲蓬凱師東向未論功如何金浪經過
處翻墜蒲蠻狡詐中膽氣尚懸星斗白血腥猶染杜
鵬紅從來懷壁堪招禍莫漫空山怨路窮

王羅峴山

張含

南溟之南何崔嵬水寨天路盤空迴江氛嶺浸日月
巖山狂谷狼猿揉衣炎天風高屢見電巖冬地迴常
聞雷鉤藤毒芎四時茂鸚哥杜鵑千樹間

雲巖寺

陸芸

竹溪窈窕石門深萬丈丹梯倚碧岑雲捧龍宮留佛
影丹明潭水淨禪心懸崖納日披嵐翠洞開蓮布
袂金針謂郡城三才里一春車馬自來臨

蘭鵬越州龍洞河

劉節

玉龍寒洞石崖崑逸逕清溪活活來瀑布恍疑天上
落水簾忽向樹中開兩崖蒙密晴飛雨萬里崩轟地
吼雷雷出如拘一臨眺亂峯雲日共徘徊

洪龍馬蹄石

夏尚忠

力戰遺骸深血軀山中風雨老蘆蕪巉岩此日留踪
在奇骨當年待價沽雲路不辭千里遠霜蹄肯受一
鞭驅傍渚落地無今古疑是周王八駿圖

前題

張繹

神駿何年到此州，行踪故向石中流。
曉寒豈被秋霜骨，風暖宜憐春草柔。
千里才名人已去，九臯眼孔世難求。
圖經不載誰應識，辜負空羣老未酬。

永昌署中牡丹盛開

張文耀

十二雕欄逸砌遮，春風開遍洛陽花。
應憐國色天香數，不羨姚黃魏紫家。
簇玉枕含金掌露，剪綃晴散赤城霞。
夢中新筆能傳勝，欲寄朝雲路已賒。

法明寺

湯琮

無心因逐白雲歸，靜鎖岩前白板扉。
客有淵明方置酒，徒無弘忍不傳衣。
風甌石室松聲急，月到紗窓竹

騎肥饑飯困眠無才事滿山空翠淡忘機

雲泉並

蔣芝

古樹青松最上頭荒原白骨動邊愁石根僧定雲常
護谷口龍眠泉不流所落草黃平淡淡風長溪碧去
悠悠尺漚採酒或何意塞上音書謾未休

高叅貢山

侯璉

高叅貢山花正紅千岫萬岫烟雲中險道岩荒頸骨
驚絕嗽突兀摩穹窿鶯鶯鵲鵲聲滿丹嶠遠色近色皆
蒼松詭狀此景付彤管豪吟野眺生春風

潞江

滕擲

太保之南上下江將軍從此渡旌種瘴烟春半偏爲

毒水勢秋深不可航
披攬坡前飛野鷗
芭蕉岩下響寒泉
崎嶇鳥道雲常暝
此險天應護此邦

遊哀牢故縣

郭春雷

驄馬南嘶欲盡天
牢城水吐香連空
江暮雨沉虹影
古洞春流雜蜃涎
高下人家多傍箬
尋常客路半侵烟
相送莫笑無拘束
續草耕山亦自便

悲蠻貊

史旌賢

萬壘雄藩計轉非
瘡痍滿眼淚沾衣
千秋天地龍堪臥
百戰河山鴻未歸
白骨陣雲愁睥睨
青燐瘴雨失霏微
似聞蠻莫歸侵地
幾得休戈更按圍

春日過適園有懷

馬維龍

寒盡山城換歲華東風開遍上林花雲中樓閣青山
繞波半亭臺遠樹邊風雁陣芳菲啼鳥鶯重蘿薛嶺
烟霞迥不惜景異來生不信我覺孤隱家

萬重江鎖萬重峯石徑崎嶇一線通六設金湯須寇

前人

老百蠻歌舞識文翁旌旗晴掃千山雪鼓角聲高五
夜風重譯從今輸貢賦絕聞烽火入南中

過牂柯江

李京

歸歟何日長蕉歸慚愧山林與爾遠垂老八十餘里
謫回頭四十九年非非窮邊野水黃雲渡夢裏田家白
板扉珍重沙禽頻見下也應知我久忘機

雲南詩

董義山

梁州古城漢山川
金馬崔嵬揮碧烟
橋跨彩虹諸葛
度撤馳飛羽長卿
傳霜凝烏背十峯
冰菊謝蟲聲九
日前風送遠
垌吹冷雨芙蓉
江上可人情

黑水祠前黑水波
萬家樓閣彩雲羅
碑騎大詔龜龍
沒步躡荒經
茫碧多竿馬路
頭歸漢貢
焚童連臂踏
充歌一技獨守
鷗志慷慨平居
柰若何

蘭津津水出崑崙
海柱標銅漢
蒼存天外風烟
來象
馬山中日月遲
琴尊霜鷺白
鴈樓頭笛葉
墜涼蟬江
上村獨立夕陽
成瘦影可憐
極北紫雲北

大橋下瞰海波
登漾滷交流
鐵索絙落日
漁樵談驃

信荒城草莽中興烟蘭有夢淹長橋
駐景無綠繫
及繩杳杳青山懸子髮小樓風雨獨來凭

七月既望重泛界魚石遙望孤山時謝太函方伯
胡石廩憲副楊霞標學憲遲予先登蓬窓簡寄

朱泰禎

江村一曲挑孤烟秋水漁歌入扣舷
舊壑重尋子真
谷新苗翼茂且區田山當快石舟偏
益我亦催詩句
未前遙睇三君最高頂利竿先繫米家船

振衣園

前人

斷虹殘雨葛衣輕身在仙人掌上
行浪說通文傾北
斗何人險語續長庚客星漫學羊裘釣
緱嶺塔却鶴

背坐縹緲峯前應濯足兼葭平陸隘昆明

澁江清風亭

羅玉

清穆皇風扇八荒紫雲宸極望微茫征驄鎮日馳周
道去艇臨風下小江燕語鶯聲清俗耳鄉愁旅思斷
柔腸夜來陡爾還家夢醒後依然在上方

泛舟撫仙湖

王彥

湖水涵虛混太清仙人何代不知名澄波混漾青山
落遙漢昭回寶月明素魄每添吟客興流光休動故
鄉情相看欲洗浮名利獨倚南樓到二更

蒙化法雲庵

左禎

碧澗層陰落木風晚行朱杖上花宮隔林一笛夕陽

下為客八年塵夢中白鶴向人欲起舞玄猿何事笑
相從巖花階草無顏色惟有青山與舊同

銀泉

周 贊

百尺泉飛金斗坡碧苔清響聽鳴珂流輕宣化千章
水散澗長唐萬頃禾潤澤不因長夏火綿紋更借午
風多涓涓遠去朝滄海一任漁翁泛釣舸

姚安聚遠樓

楊汝元

歲宴羈人感百憂天涯倦目一登樓
塞惟郭水風烟起揮塵尊前瘴癘收
四塞河山還絕徼千家木黍只荒丘
仲宣詞賦空遺恨翻為聽歌淚欲流

光明宮

李載贊

新構龍宮枕薜蘿池開玉鏡漾層阿塵寰忽聽三車
演暇日曾經五馬過極目八空心不礙凭闌風淨水
無波本來面目應常在未說攀龍柰若何

前題

董裕

細柳營前金甲散蕊珠宮秋玉樽開當軒遠岫披雲
出隔樹明湖抱日迴白國八春堪濁酒青天何處更
高臺武侯祠廟連蒼翠醉倚層樓首重回

紫谿庵

安如山

載醪遙指萬松庵喘嶮城西第一山簷迴手看雲聚
散林深側聽鳥聞閑披襟岸幘塵囂外尋壑經丘紫
翠間幽興方濃天欲暝結廬何日遂吾閒

武定獅山

江盈科

閑來縱目萬山頭，懷古悲歌未自休。
燕市兵威從北振，金陵玉氣付東流。
龍顏去國八千里，鶴髮還朝四十秋。
往事不須論得失，楚弓原是楚人收。

奉和卽侯蕭公同集東寺

吳稼登

登山晴挾白雲封，野樹縈烟翠幾重。
曲磴盤盤寒磔藟，空門面面累芙蓉。
移尊不礙階前石，解帶聊圍屋畔松。
勝地留連難遽返，夕陽何處度疎鐘。

奉和蕭卽公登晏清閣

前人

石梁虹影跨中流，高閣平臨瘴霧收。
揚柳晴雲連雉堞，桃花春水帶漁舟。
未聞戴勝鳴蠶月，早見農人賀

秦秋魄我迂疎
秦佐在相從
不減使公樓

步闕寨觀溫泉

日暖清泉歎玉新
迴環荒谷四無鄰
融將凜凜經冬
雪瀉出溫溫太古
春既及火耕宜士
俗熱於炙手笑
時人莫憂徵外兵
多洗不染驪山
圯子塵

送述律元帥開闢越嵩

元泰普華

西南形勢自天開
付託還須上將材
叩焚幾年來
尚蓄滌注今日得
龍媒雲道小隊旌
旗發花底元戎號
令催歸去弓刀懸
畫戟好將詩句佐
春杯

送揚躍卿使雲南

李 村

飄飄使節出金閨
郭隗臺前暫解攜
天入五溪無鴈

到地經三峽有猿啼子雲舊里風烟在太尉家聲日
月齊明月客槎何處望秋河迢遞碧雲低

出使雲南留別

楊耀卿

蒼龍雙闕鬱宮堯曾侍鵷鸞趨早朝往事已隨塵滾
滾塵名贏得鬢蕭蕭長林豐草空相憶瘴雨蠻烟苦
見招借問都門門外柳為誰留著最長條

哀總管段功

楊淵海

半紙功名百戰身不堪今日總紅塵死生自古皆錄
命禍福于今豈怨人蝴蝶夢殘滇海月杜鵑啼破點
蒼春哀憐永訣滇池日紫酒休教灑泪頻

謁王忠文公祠

本朝楊一清

六龍飛擲五雲間遺孽居然敢肆頑元老竟遭希烈
鬼漢廷空望子卿還墓墟落落殆猶在廟祀堂堂詔
始頒留得文章兼節義不知曾汗幾人顏

寄太和令尹道瓊

羅洪先

斑海蒼山秋正明志家為

國歲時更遠書留滯鴻飛少故侶蕭條鷓髮生更似
偶形知訟簡樹如禪室有經橫古人事業常情水千
載扶溝說大程

寄易處士可久

徐有貞

鯨鯢剌刺江風鏗函育城南獻

玉京三捷羽書雙竒遠數年烽火一時清兩閣天設

龍泓整百里雲連堆堞城幸與斯文祇染止咏詩酌
酒賀昇平

題吳尚書忠節錄

吳寬

南望滇池新廟開忠賢遺像許誰陪蚤知斯世為臣
義不負

中朝出使才辨髮肯因胡俗變戴頭真向虜廷來百
年宇內終當死大節堂堂未可哀

寄黔國公

何景明

萬里山川間百粵十年戎馬暗三巴伏波銅柱衝炎
塞橫海樓船出瘴沙鴻鴈不傳天比字瓊瑤空憶日
南華飄飄奉使金門客目斷銀河八月槎

送黃侍御按雲南時方用師

王世貞

客有乘驄白玉羈從天六傳下諸夷昆池水習三千
艦益却霜驅五月師飛檄春農歸耒耜停車夜壘散
旌旗井泉實已垂南顧尺羽能令奏計遲

送毛檢討起貶雲南幕僚

吳國倫

乾坤慘淡干戈裏封事終軍拭淚題苑道夜乘中貴
馬門頭朝聽逐臣雞盤江瘴暎桐花發黔巖雲深鵬
鷗迷魑魅如逢林伐荅賜還應有漢宮泥

送王三接徒潑江太守

前人

汝遊桂嶺疑天盡更入滇方覺地寬明月江干懸萬
里瘴雲山樹鬱千盤莫將詩句題蠻府自有威儀識

漢官播袖秋風今實否高飛鴻鴈滿長安

答張肖甫移漢臬

前人

七子翩翩共鄴遊
產中君豈減應劉
浮名顧影驕堪
失拙宦藏身老漸
收望裏使星移
益部書來春色滿
揚州故人淪落無
須念未死能寬薜
荔愁

送周憲副之雲南

前人

主思君已三掎節
益部聲名異日傳
漢署共瞻馳馬
使夷荒之上白狼
篇嚴旌畫指昆明
日憲府秋聞越
薦天好見折衝樽
俎上近來南北竝
風烟

題毛聚峯鳳韶重觀滄海卷

楊士雲

玉節重看下漢宮
鐵冠萬里起霜風
使星文未三湘

冰卿見光輝六詔中
司馬檄書猶入傳
王褒賦頌漫稱雄
澄清試看昆池水
萬頃天光一碧同

送豐城杜少府謫滇南

李攀龍

共惜投荒萬里天
當朝起草事空傳

主恩綠鬢神仙尉
客夢青雲侍從年
盤水秋帆開瘴
獨黔陽春樹隔風烟
孤臣自有豐城劍
遙夜思家向斗邊

送劉員外使黔中

前人

旌柯萬里越王臺
北眺中原秋色來
江嶂忽分三楚
斷海天不盡百蠻開
白雲使者乘軺過
金馬祠官擁節迴
為泛昆明跨上苑
今知漢主自雄才

送黃侍郎申按滇南

前人

去矣乘風瘴癘開西南萬里壯遊哉登臺越嵩山形
合攬鬱昆明秋色來周禮職方天外盡漢臣封事日
邊迴征蠻幕府今凋落安得樓船下瀨才

送莫文學應聘滇南典試

吳國倫

橫經雅作諸生範捧檄俄趨萬里遊天盡西南標漢
柱山懸金碧護梁州文名却偕青鶴重國士應同白
壁收不是千金增一顧誰令荒服共驛驄

送盧壁山征武定

張佳胤

蠻天北望接妖氛談笑臨戎見使君檄外舊題司馬
檄日南新駐伏波軍釜魚生計須更得草木風聲遠

近聞不獨全師能奏凱
還看盟府勒高勳

登滇城觀兵

前人

城上西風吹客衣
炎方木葉未全稀
高臺寒竝旌旄
立列嶂青從睥睨
歸壁壘秋聲傳夜柝
昆池烽色半
漁磯王師何日收
新即從倚浮雲正北飛

謁二忠祠

學士文章懸日月
尚書劍履上星辰
九原松柏香臺
夜雙廟莓苔影座
清山鬼笑歌寒
薜荔海童奔走薦
芳嶺經過此地同
揮淚况是江湖放逐臣

署中秋懷

張佳胤

更隱常依一畝宮
案頭幽鳥坐秋風
樓高散帙青雲

上露滴繁花綠樹中。小景會心無遠迹。轉蓬隨地可
西東。虛懸絳帳橫經日。空使諸生待馬融。

劉節婦

霍韶

正志霜居歲月長。孤燈度影伴淒涼。春歸花瘦紅蹄
雨。腊老梅寒白蒂霜。憶挽塵車愁斷轡。頻懸鸞鏡照
殘粧。柝舟味入觀風筆。嗣後猶增列傳光。

送段虛舟還滇

嚴清

七載離卿客思盈。那看兩見故人行。劉郎觀裏桃空
發。郭隗臺邊草漫縈。素志肯隳酬國額。白頭暫慰倚
門情。君歸我滯誰為伴。萬里秋空共月明。

寄合州龍君

前人

風雨涕袍自不寒，白頭按劍見交難。
憐予更問金陵道，念尔常看玉案山。
抱病有時還載酒，裁書無復慰加餐。
翟公門雀今多少，此際何人教往還。

清秋玉節為首潭，再卻憑作

施昱

百潭清氣肅高秋，燁燁聲華動九陬。
玉節纔從天上下，瘴烟先向此中收。
江山到處拱吟興，鍾鼎他年紀壯遊。
試聽西南人競頌，台光耿耿照梁州。

慨開府孫松山

前人

賈子雄才氣屢遷，請纓齋志更堪憐。
芳名公已高千古，塵世誰能竟百年。
欲報國恩寧計死，直來個是未為偏。
臨風三復揚君贈，共把綱常一擔肩。

寄常衣伯

陳淳

邂逅論心信宿緣
知君埋窟造幽玄
追風騏足終當
遇合抱良材
豈見捐此日
風霜行古道
他年毋揖瘳
洪川沙頭握手難
為別後會端期
魏闕前

伯尊師升菴高峽莊

梁佐

卜築幽棲近水汀
重門雖設畫長扃
有情華嶺迎人
綠無數烟波入眼
青謝得山中
高臥榻子雲
江上草
玄亭淹留不盡
清秋興雨夜
簷聲歌枕聽

春日田園謀興

龍施

清時終日坐
春風况復人間春
正濃幽砌有花
娛老
景薄田無草
見良農採山
只恐雲迷徑
驗雨常規蟻

出封世故難同林著意且沾村濁自從客

送謝登之恤刑滇貴

張薰

送車

恩詔下銅扉萬里看君駟壯駢太華晴雲生駿蹏
江烟雨散霏微

朝廷有意留丹筆道路何人問赭衣廷尉不寬寧獨
古尺今爭說謝玄暉

贈陳孟章妻田節婦

朱運昌

紅顏未改別天君寂寞鴛鴦幃日天曛蕙質不沾多露
浥冰心直與栢舟羣分梳矢志終仍合教子傳經後
有聞節孝千秋名不朽論褒蚤晚下層雲

前題

朱思明

一自當年失所天，驚看霜髮兩鬢然。
初因忍死遺孤在，終使生孫大節全。
寒石貞松千古色，殘燈夜雨十年心。
堅和熊天志，今無負好向夫君對九泉。

錄豐觀時事有感聞垣指鵬岫周公將至代東

史旌賢

野哭誰家淚未休，可憐道殣不勝收。
陣雲睥睨河山隘，瘴雨蕭疎草木愁。
三戶那堪還左袵，七擒寧憶靖南陬。
臺梁幸擁乘驄使，萬里金湯是壯猷。

送胡襟袞觀察東歸

馬維龍

南詔諸夷屬網羅，封疆連絡漢山河。
六宣失守蕃籬

破六詔憑君保障多剗陀霜風腥菓木旗翻時雨洗
兵戈祇令玉樹雲霄隔愁誦東人九戩歌
為友人題太原遺思卷別節武橋將軍

馬翰如

曾挽兵戈出楚中元兇一殄百蠻空金沙雲捲狼烟
淨保岫天高翠靄籠刀斗不聞驚夜月管絃仍復醉
春風百年無事憑誰力應有南人說戰功

追和用修先生春興

閃繼迪

萬死投荒出玉閨露盤霄漢有無間張騫河渚槎浮
遠賈誼長沙去不還金馬大江通蜀水點倉晴雪懷
燕山漢庭莫問飄零客潦倒風騷兩鬢斑

前
人

大華嵯峨白露生
蹴空春浪捲昆明
江山半擁玉皇臺
踴草樹初青不常城
孤嘯閨河遲鴈過
萬家烟雨濕鶯聲
傷心爛熳長揚賦
搔首低回細柳營

秋興

前
人

十年雙鬢散鳴珂
高枕承平臥薜蘿
忽詫星妖天漢表
還驚水變帝城波
遼東鬼哭陰風急
塞北酋騎燄火多
厚祿清朝才俊滿
莫教漢主憶廉頗

賀周撫臺公祖

繆文薦

萬里遼庭未偃戈
廟堂南顧計如何
三推倚賴鴻恩重
九伐機宜妙算多
風靜旌旗閒幕府
氛清蒼耳息

曉歌幾年多少平
真績鑄入陸華永不磨

山茶花

李之達

滇海名葩獨擅芳
護持全不藉東皇
嫣紅日映渾疑錦
豔質天成豈畏霜
金谷三春空倚麗
御園幾度憶揮光
移根憶共中原賞
何必花王避洛陽

前題

楊居寅

昆明在望水沄清
獨產奇葩擅衆英
高致不因寒煥改
芳叢偏冒雪霜榮
艷鋪綠綺千層錦
價重丹霄十
五城遊賞漫多知
已少一技何自達
瑤京

邀袁君學憲長賞花
辱詩贈賦答李燾

文采歸君第一流
高軒過我作良遊
明霞色借撩詩

興綺席聲喧促酒籌漫道薇垣斥紫極須知清世有
丹丘問渠那得花如許蒼蘚盤根幾百秋

同周水涇賞白梅山茶

張時徹

思君魂夢繞天涯漢使今傳標姚家曾說一枝臨水
竹不聞連理竝山茶在末少苑風全細玉萼孤臺月
半斜身世年來太蓬轉霜天遍地愧瑤華

諸方忠教都督祠

張谷

都督祠堂秋可憐蕭蕭落水木城邊山河空抱孤臣
恨勲業從今太史編鐵馬有時嘶漢鼎偏師何處哭
蠻烟忠魂千載風雲護况乃金貂變世傳

題穎川侯祠

前人

野老爭傳傅穎川當時功
茶冠南漢平蠻營壘蒼山
外破虜旌旂白石邊
紙見荒祠通落日不聞遺像照
凌烟陰風古樹無窮恨
常為英雄弔九泉

周中丞毛侍御邀飲貢院

魏廣微

棘院陰森夏木清
雨餘山色帶孤城
華隄綉峯當筵下
銀燭金樽接夜傾
不淺南樓明月興
絕勝東道主人情
持觴未解憂時意
白髮相看有數莖

周中丞邀飲西爽樓同毛侍御賦

前人

西來爽氣雨初收
山色遙分滿戍樓
帶郭蒼茫連遠樹
平州彷彿見浮鷗
招賢賈誼中丞榻
作賦匡廬陪柱史
遊回首蒨門天
萬里雲迷雙闕使人愁

贈周敬松中丞

張瑞圖

絳侯威重少文詞，具美于公一見之。
鰲首駁撐天盡處，鯨波無警漢家池。
蒼山洱水應題榻，烟閣雲臺寫不疑。
尚有虛懷追吐握，書生從此被恩私。

雲南貢院即事

陳文燧

飛蓋掄材捧

玉音溟雲豪俊嘉，喜如林藏有主閔。
天命衡鑒無私只，此心望入碧雞秋。
氣爽真探滄洱夜，濤深越裳文物齊。
中土聲教從斯振，古今

雲南院中綠雪亭

前人

此君鬱鬱倚亭隈，更長龍孫破綠苔。
影落玉環千頃

月枝橫虬角一聲雷好裁律呂和清廟還擬翩躚集
碧臺且節等閑相對飲似煩清眼與招徠

初正過臬署茶梅滿架光艷欲然為莊毓壺憲長

揚霞標督學賦

朱泰禎

霜清法署晝無譴管領春風第一花數點瓊酥欺艷
雪一攔紅玉散明霞南華同夢誰為蝶奇字何人酒
漫賒還憶朝元雙闕下溫房新浴牡丹芽

人日選藩臬羣公夜集天峯堂揚霞標學憲先枉

佳什

前人

官署何妨一草堂水心亭畔亦滄浪碧挑乍試宜春
面火樹斜飛太乙光未有不陰詩亦史若為留客月

如霜賓僚選勝胡未疾唯有高驪鄂國腸

穀日赴朱葆素方伯傳念岩侍御周和宇強正原
即伯之約集花下

前人

人日朋來美昔遊穀辰我亦賦登樓
疎簾積翠斜陽外萬斛卿雲小院幽
醜爾燈燿光自韻泥他歌艷月當頭
諸君卜夜情何劇惺裏清琴水漫流

文昌宮爲余初入蕪齋甫院上元前三日
遊閨曾泉中丞玩花花高十丈登閣始見古
栢數行直摩

雲際

前人

昆明初駕散雲屏吉日頻催帶晚星
選勝邀賓遲羽蓋停霞散赤城堪共賞
文昌耿耿耀南溟

上元夜赴閩中丞招飲署中別院 前人

西園有蓋影亭亭暮府焚貂夜不扃
却磬里成元賞椒盤菜甲五侯鯖
星橋連月添燈暈犬樹因松作
雨聽曲水縈階留夜袂畫橋從倚醉烟汀

上元後三日小憇水心亭拂塵攬掃苔徑剪惡竹
孰長揚馳阜衣二十輦半日畢工斐然或致

前人

無邊晷筥繞南床
挿柳移花特地忙
偶見洋開思在藻
頰添鳧浴愛方塘
生香乍識櫻桃近
翠影何妨薜荔長
遙計東巡芳草路
幾叢修竹是吾鄉

同閩曾泉中丞登城閱水撫慰蕃氓

鈴閣初開裂帛聲，壓床風雨欲平更。狂趨版戶寧知
曉，麈尾過門驚自驚。樹秋蟻船大馬，鹿埭烏泥窳杖。
波宮應憐萬葉憑，江立隔水呼燈排子檠。

沐乾黓熱因作水盥于昆明池中，與同門曾泉中

丞燕崇

前人

萬頃兼葭萬樹烟，幾番風雨夕陽前。送飛極浦宜延
露，拍按停雲濕採蓮。節鑿雄譚秋水至，中丞雅詠石
湖偏。水城初漏傳吟遠，西堰花津聞釣船。

六月蒲觴餞謝大函方伯視師曲交同場震標學
憲席間賦別

前人

元戎十乘啓先行
漉酒萑華雜杜蘅
聞道謝家閑賭
墅古來方岳重
專征機槍夜
藏妖氣淨
籌筆朝看赤
羽輕泚水于今
鐘鼎盛東山
遙繫薜蘿情

賀閩曾泉中丞拜少司馬
新綸暫留秉鉞

前人

司馬征南勲績巍
千秋鐵柱障炎暉
捷書屢獻麒麟
殿玉帳新開劍
履威擒縱自來
勞相國招攜今
日借綸扉
昆池領學淮清
頌哀績行看回
牡駝

沐乾鑑黔國榮祥
新綸觸於衡鑑
堂叢下桂

前人

天語新承

帝澤寬丁年貂珥舊登壇太華作礪雄虹劍昆海如
鑿澱玉鞍房駟表箋稱肅肅干城黑虎啟桓桓天香
棘院扶偏爽與酒撥槍激夜看

壽少司馬閱曾衆

前 人

蓬萊仙仗耀昆明陽舟冰桃錦浪生

天子瑤階折鳳曆元候銅柱舊金莖平羌萬里長源
隘破破陣三驅潞國輕洱海如通西極遠點蒼飛句
詠長庚

亦佛崖署中見白蘭一本奇姿豔發旁有墨蘭數
莖竝所未睹因志之時立冬前一日 前人

秋冬之際美山行况復殷宵作兩聲明玉萬條清響

龍溪烟微抹黛痕輕白蘭靜對通禪觀赤佛慮知入
北城霽晚孤火聊極目百輪新水誰香杭

命侍吏陟山顛米雪作供日賦三升猶以不給為

思喜而賦之

前人

朝來靜愛山頭雪夢去忙尋雪後山屬國自甘沙草
磧班生空老玉門閑仙家在饌臺無餽侍吏晶盤未
未還髻髻安期沆瀣露千秋常傍使星間

人日直指朱白翁招院中看大樹揚師孔

芳晨節候喜從新景色天涯倍覺親肺腑收春我憐
我嬰花隨俗人宜人海雲淨歛舒情眼華月孤明暝
夜情惟有栢臺春樹艷天花和露總鋪銀

初九 漢 魏 士

前 人

潦倒來遊翰墨場，無奇敢自擬長揚。
心驚曾記輸贏戰，技痒難忘筆研長。
雲見昆池還五色，馬呼華野擅千疆。
獨憐聖遠風微日，今古悠悠誰是在。

老 武 閻 羅 十 六 夜 月

前 人

白國掄才作勝遊，夜深清興在南樓。
太華吐月杯中得，昆海還珠鏡裏浮。
嘯逐梅花吹笛落，文沾血汗應圖收。
風時對酒頻看劍，新有奇光射斗牛。

腊 日 西 樓 賞 茶 花

前 人

春風迎腊鬪繁華，誰剪紅雲散古槎。
艷吐山陰雖近酒，性含清苦不離茶。
醉顏面面看成暈，香氣層層結

作霞吸盡奇芳歸酩酊夢中猶見筆生花
也必同諸詞丈登西域樓分韻得知字

謝三秀

高樓颯颯動涼颺旨酒微吟醉不辭河漢客逢牛女
會鄉關我切鴈臣思鐘聲東崦兼西崦草色晴池襟
雨池四座朱絃總同調莫言疏越少人知

文廟齋居

王大謨

風雨霏霏落木秋深堂殿殷暮烟收篆殘恰有花隨
影更漏猶驚鳥顧倚萬里人文開北極千年吾道自
東周羣公類有馨香荐五色雲生古益州

平寇詩

胡其燧

懸警逸傳普渡津夷鋒突起若雲屯千家續命魚遊
釜百雉環攻火厝薪望野已無烟井在故樹但有哭
聲頻傷心更是無家別矢死并為異世人

讀漢志

薛夢雷

摩挲拓府手新篇漢地山川在目前徽外今全歸禹
貢南中誰不戴充天幅員薄海虞重譯忠武籌邊有
志賢玉斧河西尋故事功成還說鍊橋邊

附一七令

咏琴棋書畫和楊升菴

周人瑞

琴瑟欲鳴心調軫玉按徽金薰風拂檻止水盈襟鳳
凰諧風偶山水遇知音清味偏宜茗椀餘聲猶在花

陰二自蔡即逢爨下人傳焦尾到如今

棋對客閒居消暇日樂清時爛柯忘倦有鵝何知手
談心暫寄坐隱世都遺妙在負中得勝宜于爭處息
機曾是謝家推鬼陣秦兵百萬盡投肥

書瀟灑行徐行雅雅個魚魚鱉辰星可摘雲物自如張
芝筆正健常誕墨方舒那管都城貴紙不妨亥字訛
堵却笑黃庭為世寶隻鵝換去更無餘

畫誰描可掛丈非遙尺不隘幾點丹青許大世卧虎
頭狀癡絕龍眠氣英邁歸鴻遠送雙眸流泉尋來
派共嘆明妃出塞難君王惜處千秋快

洪志卷之二十八終